

Prestige Awards Organization ta honra

Gigliola Gomez pa mas di 25 aña di excelencia den moda

Pa meritonan internacional e.o. Mercedes Benz Fashion Week Europa

E AÑA aki Prestige Awards ta reconoce e mundo di moda y uno di su grandinan pa Excelencia den Moda. Gigliola Gomez a inicia cu su carera na edad di 12 aña unda e tabata converti un diseño for di pañanan cu e tabata haya for di su kerida Mama.

Awe 30 aña despues Gigliola ta un diseñador grandi cu a haya e oportunidad pa luci su diseñonan durante

“Pa yega na Fashion Mercedes Benz na Europa tabata un honor y un experiencia hopi grandi. Mi a luci como Aruba y no como Gigliola y tur mi diseñonan a refleha esaki.” Gigi ta conta.

Un di e diseñonan cu masha a yama e atencion pa su colornan yamativo y un flor masha grandi cu t’e flor mas gusta pa su defunto mama, a keda como e simbolo di e presentacion. Colornan cu ta representa e awanan di Aruba y su atardecer. Su inspiracion dedica n’e tomanan cu ta keda den masha hopi curason na unda colornan ta uni den otro y ta crea colornan espectacular na cada bahada di solo.

Pa Europa esaki ta algo singular ya cu semper ta keda den tononan scur. Na momento cu Gigliola a presenta ta manera solo y luna a topa cu otro.

E degradee y forman y colornan di palet cu ta yega nos isla combina cu e colornan di diferente tonada di blauw tambe tabata destaca.

E historia di cultura impresionante di Aruba a keda refleha den su diseñonan. P’e periodista presente, e blogger y tur esnan cu ta interesa di sa mas di Aruba. Di su presentacion a surgi masha hopi otro oportunidadnan. Diferente personahe di television Europeo a yega Aruba pa haci presentacionnan cu e paisahe di Aruba.

Entrevistanan a wordo haci y dentro di poco lo ta combersando cu un revista grandi di Europa aki na Aruba.

Gigliola Gomez ta gradici Cisca Nicholson, Marjorie Vermeer y tur su compañeronan di Aruba Moda cu a inspira masha hopi den su hubentud y ta honra di por a conoce y aplica e tecnica di Cisca unda cu e la profila. “E tabata un experiencia cu mi a crece den dje y a sigui como empuhe den tur loke mi ta haci awor,” Gigliola ta sigui relata.

Gigliola su plannan pa futuro ta pa sigui cu mas exposicion den exterior pa demostra cu Aruba tin talento y cu mas y mas e talentonan aki lo sigui destaca y hiba Aruba n’e reconocimiento cu e mester. Chikito pero grandi den moda y den calidad di su hendenan.

Prestige Awards Organization ta un non profitable organization cu ta honra Aruba su mihornan pa nan tenacidad, ideanan inovativo, logronan internacional y local, inspiracion cu ta sirbi di adelanto p’e bunita baranca cu nos ta yama Aruba.

26 Grandinan e aña aki ta haya nan reconocimiento durante un anochi magico na Old Man at the Sea, na unda cultura ta bisti di gala y Aruba su mihornan ta destaca pa loke ta nan meritonan den nos comunidad.

